

آیتلرده هب عینی معنایه کلمشدر. (ایان مرسپها) ساعتک یعنی قیامتک
ارسانی نه زماندر دیمک اولیور. ارسا: اقامت، استقرار، حصول،
وقوع معنایه در. (سخاها) ده کی ضمیرک (عشیه) به رجوعی شو ایکی
کسر زمانینک یعنی صباح ایله اقسامک عینی کونه عائد اولدیغنی کوسترک
ایچوندر. دیمک که ظنلرینه کوره بر کونی بیله تمامیه کچیرمه مشلرده
اوکونت انحق صباحی، یاخود اقسامی قدر بولمشلر.

محمد ما کف

فَقْرٌ وَقَتَاوِي

نقد و عبارات اسلامی تاریخچه :

حج و کعبه

۳

حضرت خلیل بر حیات قالدغه هر سنه موسم حجه مکهیه کلیر،
ایضای حج ایتدکن صوکره کنعان طرفلرینه، مملکتته عودت
ایدردی. حضرت اسحق دخی فرصت بولدغه حجازه کلیر، بویوک
برادری ایله برابر بیت اللهی زیارت وحج شریفی ادا ایدردی.
بو صورتله حج هر سنه منتظماً قیلنمغه باشلامش، عربلردن،
جرهیلردن اشتراک ایدنلرده چوغالمش ایدی. اسماعیل علیه السلام
وفات ایدنجه حجت امر اداره سی اوغلی نابت کچمش، نابتدن صوکره
جرهیلرک رئیس مضا بن عمروه انتقال ایتمشیدی. فقط جرهیلر
کیت کیده فسق و فساد طالدیلر. بیت شریفک حرمتی اونوتدیلر؛
خزینهنسند بولنان هدایای یغما ایتدیلر، حجاج کرامه اذیت ایدر
اولدیلر. جرهیلردن باشقه لرك حج ایدم بیللمه لری کسب صعوبت
ایتمشیدی. بو حال ایسه سائر قبائلک عروق حیتی تحریک ایدیوردی.
چونکه او جوارده بولنانلر ایچون حج ایتک احتیاجی آرتق دینی
بر شکل آلمشیدی. بونک اوزرینه بنی بکر ایله خزاعیلر متفقاً
جرهیلر اوزرینه یورودیلر. قانلی بر محاربه دن صوکره جرهیلر
مغلوب اوله رق مکه و کعبه بنی ترک ایتک مجبوریتده قالدیلر، یمن
طرفلرینه کیتدیلر؛ بوقیله شومغلوبیتی متعاقب بردها بلنی طوغرولته مدی؛
منقرض اولدی. بوندن صوکره ریاست و اداره خزاعیلرک اله
کچمشیدی. بیت الله دخی خزاعیلرک تحت نظارتنده بولنیوردی.
بو نظارت حق اصل بنی اسماعیلک و قریشک حق ایدیسده آنلر ده
حقلرینی آرایه حق بر حالد اولیوب طاغنیق وضعیف ایدیلر.

مکه و کعبه نك ولايتی جرهیلرک، خزاعیلرک النده ایکن ارکان
حجت امر ایفاسنده اولان ولايت اداره ده باشقه لرینک عهده سنده
بولنیوردی. بو وظیفه جرهیلردن عوث بن مرک مساعیسه اختراع
اولمش، بر حیات بولندغه کندیس، وفاتنده ایسه اوغلی طرفدن اداره
ایدیشکده بولمش ایدی. بولره (صوفه) دینلردی، که عرفه وقفه سی

تمام اولنجه اذن و اشارت لر یله منایه کلنیردی. رمی جبار و قی حلول ایدنجه
هرکس بولنرک رمی جهریه بدأ ایتملرینه منتظر قالیر، کیمسه اوکا
تقدم ایدم مزیدی. رمی جهریه تعجیل ایدم رک بر آن اول
احرامدن قورتیلنق ایچون اولان ابرام و اصرارلره قطعاً قولا
اصمازلردی. جرات تمام اولنجه هرکس طاغیلنق ایستردی.
فقط صوفه عقبه طرفی (کجیله جک یولی) اشغال ایله ابتدا کندی
اعوانی مرور ایتدن کیمسه نك طاغیلنمسه مساعده ایتزدی. حجاج
کرام ایسه بوندن زیاده سیله متأذی بولنیورلردی. بوسلاله نك انقراضنده
وخلیفه مذکوره آل صفوانه انتقال ایله ظهور اسلامه قدر بوسلاله ده
قالمشدر، که اک صوکلری کرب بن صفوان نام ذات اولمشدر.

مزدلفه دن افاضه و قیام امری ده بنی عدوانه عاندایدی. اسلامیت
کلنجه یه قدر آنلرده قالدی که، اک صوکلری ابوسیاره عملیه بنی الاعرل
نام ذات اولمشدر.

نابت بن اسماعیلک وفاتی، ولایت کعبه نك بنی اسماعیل الندن
حقیقسی اوزرندن خلی زمانلر مرور ایتش ایدی. بوزمانلر طرفنده
ولایت کعبه، اداره امور حج حقنده اصل صاحب حق اولان بنی
اسماعیل طاغنیق لردن قورتیله مامش، هنوز بر جمعیت و قبیله تشکیله
موفق اوله مامشلردی. حامی و ظهیرلری بولنان جرهیلرک مکه دن
چیقاریله لری اوزرینه بولنلرده قسماً جرهیلر ایله برابر یمن طرفلرینه
کیتمش. قسماً مکه و حجاز طرفلرینه قالمشلردی. کرک کیدنلر، کرک
قالانلر هنوز بر موجودیت کوستره بیله جک بر حالد دکل ایدیلر. مع مافیه
حائز اولدقلری اصالت و نجابتی خاطرله یور، و قبیله کعبه نك، امر حجت
اداره و ولایتی کندیلرینه عائد اولدیغنی دوشنیورلردی. نهایت قصی
بن کلاب کوزینی آچدی. مکه و کعبه نك اولماسه بیله لا اقل بابالری
ابراهیمک سنتی اولان حجت امر اداره سی بنی اسماعیل اله کچیرمکی
تصور ایتدی. بوتصورینی قریش، کنانه، قضاعه قبیله لرینک ایلرو
کلنلرینه سویلیدی. قصیک فکری بالطبع تصویب ایدیلدی. آرالرنده
ویریلن قرار اوزرینه اوسنه نك حجتی تمام اولنجه اووقته قدر صوفه لرك
عهده سنده بولنان وظیفه نك، ولایت حجت کندیلرینه عائد اولدیغنی
اعلان ایتدی. بونک اوزرینه صوفه و انصار یله قصی و متفقلری
آراسنده مقاتله وقوعه کلدی. نتیجه ده قصی طرفی غالب کلمکه مقصدینه
ایرشمش دیمک ایدی. فقط ایش بونکله بیتمدی. اصل اوزمانلر
اقتدار و ولایت عامه بنی حائز بولنان خزاعیلر و متفقلری بولنان بنی
بکر قبیله لری بوندن قوشقولاندیلر.

قصی بن کلاب اوزرینه اعلان حرب ایتدیلر. محاربه غایت شدتلی
اولدی؛ هرایکی طرفدن بر چوق کیمسه لر مقتول دوشدی. فقط
غالب، مغلوب آکلاشیله مادن صلحه دعوت اولندیلر. مسئله نك حل
ایچون حکم آتخاب ایدیلش اولان یعمر بن عوف بیت شریف مکه نك
ولایت و اداره سی خصوصسند بنی اسماعیلک سائر قبائله نظراً ده
احق و بناء علیه بومسئله ده خزاعیلرک حق سز اولدیغنه حکم ایله قصی